

湖心亭看雪

转载

[独钓寒江雪~](#) 于 2019-07-05 14:22:15 发布 293 收藏

分类专栏: [其他](#)



[其他](#) 专栏收录该内容

3 篇文章 0 订阅

订阅专栏

湖心亭看雪

作者: 张岱 【朝代】明

崇祯五年十二月，余住西湖。大雪三日，湖中人鸟声俱绝。是日更定矣，余拏一小舟，拥毳衣炉火，独往湖心亭看雪。雾凇沆砀，天与云与山与水，上下一白。湖上影子，惟长堤一痕、湖心亭一点、与余舟一芥，舟中人两三粒而已。

到亭上，有两人铺毡对坐，一童子烧酒炉正沸。见余，大喜曰：“湖中焉得更有此人！”拉余同饮。余强饮三大白而别。问其姓氏，是金陵人，客此。及下船，舟子喃喃曰：“莫说相公痴，更有痴似相公者！”